

2. Nungzui HihnaKipatnate: Topa Kiangah Midangte Tunpihna

Laisiangtho bulphuhte

Jn. 15:16

Acts 4:29-31

Isa. 55:11

Eph. 2:10

Phil. 2:10-11

Rom. 10:14-15

Jn. 14:12

2Cor. 6:1

b) Thupatna

'Gupkhatna' cih pen Greek kam in 'soteria' ahi hi. Hih kammal pen 'bitna leh hoihna' ci-in zong a khatna kilet thei hi. Eite suakkik in Pasian tate i hih ciangin eite ongkiki cingsak, hong kihoih sak leh ongkilungmuang sak hi. Tua hi a, Zeisu sungah a kingah thei gupkhatna thu midangte tungah i gen teh, amaute zong ki cing thei bitna koici ngah thei uh cih mite tungah a pulak i hihna i phawk theih ding kisam hi.

1. Kilemkikna: Pasian tungah, hih pen Zeisu sihna tungtawn in kitem thei hi.
2. Suahtakna: Banghang hiam cihleh Zeisu thokik a, eite nuntakna thak hong pia in, eite ading Pasian tungah mawhpauakna hong la hi.
3. Kiseksak kikna: Zeisu tunga ki-ap na tungtawn in. Banghang hiam cihleh tu in Amah eite Topa hi a, i nuntakna kumpi tokhom tungah om hi.

Zeisu a ding nungzuite i suahsak theih ma in khalam vai khempeuh-ah i kicin' dong i ngak phot ding kisam lo hi. Sawlna lianpi tangtunsakna na sep i sep ding kisam a, Pasian a ding na i sep na ah hong piang thei ding i nunlakna-a a kisamte leptuah nate i bawl ding ahi hi. Zeisu in a nungzuite khempeuh in a sep ding vua a sawl nasep pan a khawlsak thei ding thadahna, lungkim lohna, uplahna aihkeh itna neih lohnate i neih loh ding ahi hi. Zeisu ading nungzuite i suahsak nading hong hi theihsak nasepna sungah vanglian tak leh lawptak a hong tawsawn ding thu thumte pen: -

1. Zeisu Khazih itna: (2Cor. 5:14). Hih itna mah mi khempeuh in a theih nading i ut nading in i lungtang tungah mei banga a kuan ding ahi hi.
2. Pasian vangliatna: Khasiangtho tawh (Act. 1:8).
3. Pasian kihtakna: (2Cor. 5:11; Psa. 103:13). Hih pen hong it Pa zahtakna thukpi leh eite hong deih banga nungta a i gamtat nading lunggulhna ahi hi.

Eite Pasian ading na sem dinga hong kisam hilo in, Pasian tawh nasem khawm dinga hong kisam cih i phawk ding ahi hi (2Cor. 6:1).

c) Teci Pang dinga Mimal Kiginkholhna

1. Nang pen kicingtak in kiginghol thei lo na hihna tel in (tua pen, Laisiangtho theihna, mite vaneh theihna siamnate).
2. Topa tawh thungetna ah kin lua lo in hunzang in la, a nuai-ate tungtawn in kalsuan in. **Siangtho in:** Pasian kiangah nang leh nang kipia in ki-ap in. Na nuntakna sunga na theih mawhna khatpeuh pulak inla, Zeisu sisan tawh hong siansak nading in Pasian kiangah thungen in. Nang tunga hong khial khatpeuh zong maisak in. Tua ciangin Pasian mai-ah na siang ding a Satan in nang tungah bangmah hong lawh thei lo ding hi. Satan na nial ding zong kisam, tua ahih leh amah taikhia ding hi.

Thuneihna ngah na dingin nang lehnang kiniam khat in: A vanglian Pasian khut nuai-ah kiniamkhat inla (1Pet. 5:6) na sep nopna pen nang utna hilo in, Pasian utna a

hihna Pasion tungah bangbang manh napia zongin gen in. Nang kia in semsem in Amah a khan semsem ciangin Pasion thuneihna tawh na tonkhawm thei ding hi. Tua khit ciangin dinmun thu khatpeuh na zawh theihna dingin Pasion vangliatna leh thuneihnate tawh nang tungtawn in hong pai thei ding hi.

Khasiangtho tawh kidim in: Zeisu Khazih na domsang nading in nang hong dip nading leh sathau hong nilh nadingin leh Ama a ding na nasep ah tha hong piakna dingin Khasiangtho ngen in.

Khasiangtho tungah kipia in: Khasiangtho ukna ah kipia in. Ama thumanna zawi bang a hong zat theihna dingin na pumpi, lungsim, utna leh lungsim phutte a piakna Khasiangtho tungah ngen in. Hih pen khensatnate nangmah in bawl in, bang sem bang gen ding cih Ama makaihna leh thu zawhna a ngah zong na hi hi. Hih pen Khasiangtho dip nuntakna deihna laigil hi.

A luanna ding zawi hi in: (Be a channel): Mi dangte nuntaknate sukha dingin nang kiang pan a luangkha dingin Khasiangtho ngen inla, nang tungtawn in midangte tungah na nasep nading in ngen in (Jn. 7:37-39).

Ama kammal Gen in: Na kam sungah Ama kammalte hong guanna dingin Khasiangtho kiangah ngen in. Tua pen, Laisiangtho tung pan banghiam khat na ngaihsut khat na aih keileh, Pasion ading hunhoih na hon nading a kism kammal khatpeuh maw muhkhohhna khatpeuh lahkhatna hi. Vangliatna, thuneihna, tawanna, lungsim kizawhna, nuntakna, suahtakna, itna leh lainatna kammalte tawh Ama deihbang lampite ah thu na gen theih nading na mukte sathau hong nilh nading in ngen in.

Lungdam in: Hih thungetnate hong dawanna hangin Topa tungah lungdam in Tua ciangin Zeisu min-a thuneihna leh Khasiangtho vangliatna tawh nuntakna dinmun khempeuh sungah Khazih tangmi dingin na masuan thei ding hi.

3. Pasion in a lungsim a bawlphat khitsa mi khempeuh tungah Amah in hong makaih nading in thungen in (Eph. 2:10; Jn. 16:7-11).
4. A hih theihna munmun ah amaute tawh kizoptuahna na lamna tawh tua mipa lungmuanna leh muanna ngah in (Lawmta lungdamna thu gen in).
5. Lamlahna leh pilna ading in Khasiangtho tungah kinga hi.

d) A muibun kha man khat Hih na ding a a kism pen thute

1. **Zeisu theitel zawkna** leh Ama tungah ei le ei ki-ap thei zaw in, mi dangte tawh lungmuangtak in kipawl khawm theizaw ding hihang. Zeisu thei zawk nading a hoih bel lampite pen: Nisim Pasion kammal simna, thungetna leh christian dangte tawh kikhohkhop nate hi.

2. **A kinaizaw in Zeisu nungzui in** (Matt. 4:19).

Zeisu nungzuihna pen ama gamtatnate ettehna leh Pasion kammal tungtawn a nisim nasep ding Pasion hong sawlte sepna hi. Zeisu in Ama nungzui masate Ama nungzu in dingin sam a mi a man ngabengte suaksak ding hi. Eite zong tua bang mah dingin hong deih hi.

A muibun mi mante hih theih nading tawhtang nga:

- a ngimna uh kitel hi (bang bawl uh cih thei uh a, tupmel neilo hi lo uh hi).
- a kiginkhohhna uh zong kician hi (hih nasep ading in phatakpi-in kisakhoh uh hi).
- a mun uh kitel hi (nga a omna mun leh nga-in an a nekna mun ah pai uh hi).
- amau mimal pen kiseel hi (amau mimal lim le mel tawh geel lo in Zeisu lim le

mel tawh vaihawm zaw uh hi. Banghang hiam cihleh amaute pen a dawwna hilo in Zeisu hizaw hi. Aman leh amau nungzui a suahna uh tawh midangte nungzui suaksak uh hi. Mi dangte in amaute en in Zeisu muthei dinguh hi).

3. Na Nuntakna, Gamtatna leh Kammal tawh Zeisu Tawisang in (Jn. 12:22).

Mite Zeisu kiang na kaih zawhna pen nang kammal hoihte leh na zolsiam man hilo in, mi dangte mai-ah Zeisu na tawisang man hizaw hi.

Na lawmte, na u leh naute leh a pongpi-in midangte na thuzawhna ah nangma nuntakna mahmah pen vanzat hi pah a, tua pen Zeisu kiang na tun theihna ahi hi. Na nuntakna pen mi pawlkhat in a sim-theih Laisiangtho hi thei kha ding hi. Eite in Zeisu nei in Khasiangtho tawh i kidim lam mite in koici gen theih dinguh ahi hiam. Nang le nang pen a kiciam teh lo mutpuak bangin kingaihsut in. Tua sugnah bang om cih na theih nading in mekcip in. Bang hong paikhia cih mu theih hi teh. Nang zong nuntakna haksatnate in hong mekcip ciangin bang paikhia hiam? Lungtomna kitelkhialhna, lunggimna, hehna leh lungkiatna cihte peuh ahi hiam? Aih keileh itna lungdamna, nopna leh lungduainate a hiam?

Aih keh itna, lungdamna, lungdaihna, lung duaina cihte a hi diam? Midangte in gen bang hitakpi hiam cih mu nuam uh ahihman in bang hong paikhia cih munuam uh hi.

Midangte tungah Zeisu ading teci na pan teh, a diakdiak na nuntakna tawh na lahteh a takpi hisak in. Pasion vai pen uang genna leh cihtak lohna peuh tawh behlap theih hilo hi. I teci panna pen kikhalna, khinkhai theihna, itna leh kepna cihte tawh gawm ding hi. Tua ban-ah Pasion tawh kihual lehang amah in hong makaih, lam hong lak in, vangliatna hong pia ding hi.

e) Mikhat Khazih kiang bangci tunpih ding.

Hun khempeuh kibang lo ding ahihman in Khasiangtho makaihna ah na kihon ding kislam hi. Mite pen eite gup hilo in Khasiangtho tungtawn a Zeisu gup kicih phawk in. Vanzatte hilel hihang. Anuai a thute pen hong huh thei ding lamlahna pawlkhat ahi hi:

1. Mikhat tawh kiholim in kizopna khat nei dinga, Khasiangtho in hong makaih teh tua kiholimna pen khathu a suahna ding in Khasiangtho in hong makaih nading thugen in. Zeisu thu gen pan pah in. Hong lunglut uh leh, amau nuntakna ah Zeisu nei khin hiam, Zeisu tawh kizopna leh lawmtatna cihte nei khin hiam ah thei khia in. Kitot kiselna tawh na kiholimna uh a bei loh ding ki dawm in. Amau telloh ding biakna kammatte zang kei in. Banghang hiam cih leh tuate in buaitak in lungkiasak thei hi.

2. Lungdamnathu gen in (tua pen gupkhiatna thu):

- Pasion in leitung a mikhempeuh it hi. (John 3:16).
- Ahizong in mi khempeuh nawh hi(tua pen Pasiang lungkimlosak hi. Rom.3:23)
- Nawhna in Pasion leh mite kikhensak hi. (Isaiah 59:2).
- hih nawhna a kihepkhia keileh, mihingte nuntakna pen gah gahlo ding hi. (Eph. 2;1-10)
- Mawhna khaman pen sihna hi. (Rom. 6:23)
Pasion in Zeisu hong sawl in, mi khempeuh mawhna thaman pia dingin singlamteh tungah hong si hi (1Cor. 15:3).
- Pasion in sihna pen Zeisu khokiksak a, Zeisu in onggum thei hi. (1Cor.15:20-22; 2Cor. 4:14; Heb. 7:25).

- Zeisu hong sih a a luangkha sisan bek in mawhna siangsak thei in hemkhia thei a, mihingte ading in Pasion tawh nuntak tawntungna hong phal hi (Heb. 9:12, 22)
 - Pasion maisakna ngah nading in mawhnei khat in kalnih suan ding hi-
 - (i) **Kisikik ding:** angsung theihna leh mawhna lampi khen peuhpan kihenkha ding (Acts 3:19).
 - (2) **Sangding:** Zeisu pen Toupa leh Honpa hisak ding (Rom. 10:9-10).
 - 3. Man pia dinguh hi. Zeisu in, "*Mi khatpeuh in ka nung hong zuih nop leh amah leh amah kinial in, nisim in ama singlamteh pua in ka nung hong zui ding hi*" cih. (Luke 9:23).
 - Zeisu sanna pen amau nuntakna ah amah Topa hihsak khitna cih nang gen ding (Acts. 2:36).
 - Mipi mai ah Zeisu pen amau Topa a hihna a pulak nop nading uh gencian ding (Rom. 10:9-10).
 - Amaute milimte a hi, TV, mawtaw, sum le pai cihte a nusiak nop nading uh lak tel ding. Hih nate pen nei thei lai dinguh a, ahizong in a nuntakna vuah a thupi bel in koihnawn lo dinguh hi.
 - Zeisu tungah kipumpiak nopna nei in cikmah in kiheikik lo dinguh hi (Luke 9:57-62; Luke 14:25-33).
 - 4. Khazih Zeisu bek pen lampi, thuman leh nuntakna ahihman in leh, Amah bek in Pasion tawh kizopna hong pia thei ahihman in a Topa leh Honpa a a koih dinguh a kispna in. (John 3:18, 36; John 14:6; Acts 4:12).
 - 5. Khasiangtho in mawhna kiphawkna tak tak hong tun' ahihna telsak ding (Jn.16:8).
 - 6. Kisikkik in Pasion a daisak a nuntakna luite uh a nusiak dinguh to in. Hih in Pasion muhna ah amaute siangsak ding hi. Tua ciangin Zeisu pen Topa leh Honpa in sang dinguh hi (Rom. 10:9-10). Khasiangtho pen khaamna leh Pasion sunga luahna a ngahna up kipsak na bangin thakhat thu in sang dinguh hi (Eph. 1:13-14). Tua khit leh Pasion tate suak dinguh hi (Jn. 1:12). (Khenpi A; Khen 3, 4, 5 leh 6te en in).
 - 7. Mawhneipa thungetna ngaihtak in ngensak in. Nang nget bangin hong zui thei, laidal khat peuh sim in gen thei in, Zeisu lungdamna thumaan a theihna uh bawl thei uh hi. Tua bang thunget zia pen anuai a bang hi-

"Topa Zeisu aw, mawhnei ka hihna kiphawk in, ka mawhna hangin ka dah hi. Kei adinga Singlanteh tungah nong sih man in lungdam ing. Ka mawhnate hong maisak in. Ka mawhnate khempeuh pan kihei in ka nusia hi. Ka nuntakna sungah Topa leh Honpa in kong sang hi. A thak nuntakna tu in hong pia na hihman in lungdam ing. Amen."
 - 8. Gupna thu ah lungmuang leh kisiam uh ahihna gencian in. Amaute a kigupkhiat khitna (1John 3:24; Rom. 8:14-16) leh hih a tunga thu teng a sepkhith uhleh gupkhiatsa a hihna uh Pasion Kammal in kamciam a piak khitna amaute sungah Khasiangtho in teci pang ding hi (John 6:37; John 1:12; John 6:47; 1John 5:11-13; Heb. 13:5).

Amaute mawhna kisawpsiang in nuntak tawntungna ngah khin uh cih Pasion kammal in gen hi. Lungsim lawpna peuh nei khollo kha dinguh a, ahizong in lampi khat teitei tawh thei dinguh hi. A kitecian nading sawt thei khamai ding hi.
- f) **Christian khat banga kalsuanna thak a kipat theih nading un huh in.**
1. Mikhat peuh Khazih kiang na tut phet in nidang teh mukik nawnlo thei kha ding nahihman in a hithei zah in nungzuih in. Khazih nung a zuih nading a ki zangthei

ding laibu hoih nono pia in la, a simtheih ding Laisiangtho zong pia in, kituiphum ding leh kha tawh kidim ding a kisapna zong genciap in. (Khenpi A, Khen 11 leh 12te en in). Na kizop theih na ding un amau phalna tawh a min, a teenna mun, akum phazah leh ph. numbalte la in.

2. Mikhat tawh amasa pen na kizop teh Khazih tawh hoih tak a akizopna dinguh itna tawh thapia in. Amau ading thu nanget sakna gen in la, nisim in ngetsak takpi in. Na laibu piakte bangci zat uh dong in la, dotna khatpeuh ongneih uleh lungkimhuai tak in dawng in. Hih anuai a thute tungtawn a Khazih sungah mimal khantohna a neih na ding un thapia in:

- Nisim thungetna (Pasian tawh kihona) (Luke 18:1).
- Nisim a Pasian Kammal (Laisiangtho) simna. (Acts 17:1).
- Zeisu muanna (John 6:28-29).
- Pasian leh a Kammal thumanna (Acts 5:32).
- Thu um piangthak dangte tawh kithuah khop zelna. (Acts 2:92).
- Mi dangte tungah amaute Zeisu sunga koici banga kimu cih teci panna genna tawh (Luke 8:39).
- Pasian ading nasepna tawh. (John 9:4).
- Pasian thahatna leh vangliatna sungah Pasian na asepe theih nading un kituiphumna leh kha tawh kidimna (Acts 1:5,8; Rom. 8:11; Eph.s 5:18).

Buaina khat peuh a nei uhhiam cih dongin na siam tawpin ngaihsutna pa in. Khazih sungah amaute lawm suak in. Biakinn ah akikhawm uhhiam, kantelna beek a nei uh hiam cih dong in. Nang kikhop na mah a ut uh leh na zot ding leh na tonkhop ding lan gen in. Na theihlauh biakinn khat ah a kikhopnop uh leh a thahat, Laisiangtho bulphuh pawlpi khat a zon nading un hanthawn in. Tua bang pawlpite zia pen a nuai a bang hi:

- Khazih Topa hihna ah a kipumpiak ngiat.
- Pawlpi mite lak ah itna leh kipumpiakhatna a om pawlpi
- Thungetna a uangsak te.
- Kha leh thumaan sungah phatna leh biakna a zangte.
- Pawlpi mite pen kha letsong leh vangliatna tawh a kalsuan.
- Siangtho nuntakna a thupi pawlpi.
- Mawhneite a kisikiksak pawl.
- Upna tawh gupkhatna a gen pawlpi.
- A zawng, a kizamte a huh pawlpi.
- Phaltak a apiakhia te.
- Leitungbup gupna thugenna ah a kihel pawlpi.
- Hih bang dinmun ciang tung nailo hi taleh, ngimna a neite.
- A hih theih zah in nang na hi a, midang khatpeuh ahizong in nungzuih zek ding a ut uh hiam cih dong inla, vaihawm in. A tawpna ah thungetsak inla, a buainate uh leh Zeisu tawh a kizopna uh kin diak in nei in.

g) Pasian Tapa Taktak khat banga Nuntakna.

Lungsim maan in citak in. Phuhtawm leh sunmang peuh tawh sem kei in. Na Christian hihna ah ahi bangin omlel in. Amau adinga Topa Zeisu Khazih a theinuam mite tungah na kipulakna lianbel pen na lungdamna leh Khazih na itna hi. Na omna munpeuh ah ci bang in al in. Zeisu in eite pen Leitung cite hong ci hi (Matt. 5:13:16). Ci in, siangsak,

damsak, kemcing, natna dal in muatna dal hi. Tua hi a, hih thu phawk lo in, na sunga Khazih hangin na omna munpeuh ah muiban thei hi teh. A dang a thupi mahmah khatpen ci in mite dangtaksak hi. Khazih pen nang tung pan lengkhia ahihman in na nuntakna tungtawn in mite in Khazih nuntakna dangtak uh hi. Midangte mai-ah Zeisu nungzui bangin na nuntak taktak leh Khazih kiangah mite na kai zo ding hi.

Teci pangpa (witness) khat pen thukhen ding, kidal ding leh mite mawhmat dingin kicial lo hi. Amah pen a theih bang pulak ding bek in kisam hi. Kidalna, khelna leh thukhennate Pasian semsak in, nang bel na nuntakna sungah maan hi ci a, na theih thu genkhia lel in.

h) Dotnate leh kikup khopnate:

1. Mi khatpeuh a kihotkhiat sim in vantungah bang thu piang hiam? (Luke 15:5-7, 22-24, 32).
2. Christian thakte in pawlpi sungah lungdamna lianpi piangsak thei a, hoihtak a paisa vaihawmnate zong nawngkaisak mahmah thei hi. Kankum in.
3. Midangte Topa kiang tunpih nading leh Topa sunga khantohsak nading in nasep kipatna ah hong thanemsak thei penpen thu gen in.
4. Mite a kicing suahsak nading in Pasianin Ama itna, kihtakna leh vangliatnate eite sungah hong koihna tawh hong bangci lawpsak cih gen in.
5. Maanna, kikhalna, veina leh khinkhainate pen mite kisinsakna nasep ah thupi hi. Kam kum in.
6. Tu ciangciang miman ngabengte suahna pan hong dal hong khaktante khatpeuh hong lah nading Pasian kiang thungen in.
7. Launa pen; teci panna hong khaktan thei pen khat hi. Mihing launa tawh kisai Pasian kammal in bangci gen hiam? (2Tim. 1:7; 1Jn. 4:8; 1Pet. 3:13-16).
8. Zeisu pen a Topa a suaksak nuam mi khat kiangah bang gen lecin hoih ding hiam?
9. Na gentheih lian dingin nang ma teci panna kammal 250 sanga tawmwaw gelh inla, biakna kammalte hel khol kei-in.
10. Topa kiang na tunpih theih ding leh, na nungzuih theih ding mite ading thunget kipan inla, upna tawh zong in.

1. Tomlakna leh Zuihpahna

1. Zeisu sunga gupkhiatna pen a mu mite ading in kicinna ngahna hi.
2. Teci i pan khiat ma in Pasian leh mite mai-ah i sian ding kisam hi.
3. Gupkhiatna ading midangte Zeisu kiang i tunpih nading in i gen ding thute i theih ding kisam hi.
4. Zeisu ading a muibun teci i hih theih nading in Khasiangtho makaihna, lamlahna leh vangliatna piaknate ah i kihon ding ahi hi.
5. Mite kiangah Zeisu i lah nading leh mite nuntakna ah i sep theih bang hiam cih i lah nading in eite nuntakna pen a hoihpen teci leh kipulakna hi. Tua hi a, Zeisu i theih zawk ding kisam a, a kinaizaw in a nungzui-in, i nuntakna, i sepna leh i kammal tawh i lap toh ding kisam hi.
6. Mikhat Topa kiang i tunpih teh hoihtak nungzuih in Khazih tawh i tonkhopsak nading mawhpauk i neih lam tel ding hihang. Hihpen ei mahmah in zong sem thei-in, i muan mi dang khatpeuh zong suan thei hihang.
7. A lungsim a khel ding mite a ngah dingin hong kisam hilo cih phawk in. A nuntakna a khel nungzuite a suaksak dingin hong kisam hi.